

**Kidňipen
andre Narodno rada vaš Slovakijakeri republika**

Informacijski pedal voličis

I

Datemos the vacht, kana džal o kidňipen

Kidňipen andre Narodno rada vaš Slovakijakeri republika džal
sombatone 29. 2. 2020 andal 7:00 dži 22:00 ori

II

Čačipnaskero kidňipen

Čačipnaskero kidňipen andre Narodno rada vaš Slovakijakeri republika hin sakones manušes andal Slovakijakeri republika, so dochudela pro kidňipnaskero d'ives 18 berš the nič leske na zaterd'ol pedal leskero čačipen te kidel avri.

Kana le dženes nane čačipen te kidel avri u leskeri osobno sloboda hiňi odcirdl'i le zakonoha, bo kampel te zaučaren sakodženengero (verejno) sast'ipen.

III

Čačipen te jel kidno avri

Vaš poslancos andre Narodno rada vaš Slovakijakeri republika šaj te jel kidno o manuš andal Slovakijakeri republika so dochudela pro kidňipnaskero d'ives 21 berš the l'ikerel te bešel andre Slovakijakeri republika.

Kidňipnaskeri prekažaka hiňi:

- kana manuš bešel andre bertena
- kana manuš hino odsudzimen vaš džandones kerdo bibacht, kana ada bibacht nane zagarudo
- kana manušes nane peskere čačipena

IV

Kidňipnaskere maňira

O voličis šaj kidel andre Slovakijakeri republika

- andro kidňipnaskero kotor, kaj andro zoznamos hino irimen vaj
- andro vajsavo kidňipnaskero kotor le kidňipnaskeri legitimacijaha the sas vaš peskero phučiben irimen andro osobitno kidňipnaskero zoznamos
- l'ikerel te bešel andre Slovakijakeri republika kana hino kidňipen the kana džal kidňipen hin andre avrithem the vaš o poštakero kidňipen zamangel peskero gav vaj foros, kaj bešel

V

Kidňipnaskeri legitimacija

Le voličis, so les hin bešutno l'ikeriben andre Slovakijakari republika the našt'i te kidel avri pre peskero than the kidňipnasklero kotor kaj bešel the hino irimen andro kidňipnaskero zoznamos andro d'ives, kana ela kidňipen, šaj mangel peskero **gav vaj foros, kaj bešel**, vaš kidňipnaskeri legitimacija. Gav vaj foros vaš leskero mangipen dela e kidňipnaskeri legitimacija the andal kidňipnaksero zoznamos les odčhivela le laveha, hoj leske diňa e kidňipnaskeri legitimacija.

Le kidňipnaskeri legitimacijaha šaj o vol'ičis kidel avri andro chocsavo kidňipnaskero kotor.

Vol'ičis šaj mangel vaš kidňipnaskeri legitimacija

osobnones,

jecknasig agorutno buťakero d'ives anglal oda, kana džal kidňipen (oda jekhnasig 28. 2. 2020) pedal uradna ora andro gav vaj foros.

O gav vaj foros dela e kidňipnaskeri legitimacija bijo vacht.

andre prajtoskeri forma avka,

aj o mangavipen vaš kidňipnakseri legitimacija sas bičhad'i le uradoske jekhnasig 15 buťakere d'ivesa anglal d'ives, kana hino kidňipen (oda jekhnasig 10. 2. 2020)

elektronickones (emailoha) avka,

aj o mangavipen vaš kidňipnaskeri legitimacija sas bičhad'i le uradoske jekhnasig 15 buťakere d'ivesa anglal d'ives, kana hino kidňipen (oda jekhnasig 10. 2. 2020). O urados presikhavel pre peskero webovo than o elektronicko adresa pedal bičhade mangavipena. Kana le urados nane webovo than, presikhavel adresa pedal bičhade mangavipena pre uradno šiba.

Mangavipen mušinel te l'ikerel informaciji pal vol'ičoste

- o nav the nav pal o dad
- ul'ardo numeros
- themutno prithoviben
- adresa vaš thanutno l'ikeriben (gav vaj foros, ul'ica, numeros)
- adresa, pre savo o urados bičhavela kidňipnaskeri legitimacija

Maškar dženes, so leske o vol'ičis diňa peskeri zor

šaj te mangel vaš e kidňipnaskeri legitimacija jekhnasig agorutno d'ives anglal kana džal kidňipen (oda jekhnasig 28. 2. 2020).

Mangavipen mušinel te l'ikerel informaciji pal vol'ičoste

- o nav the nav pal o dad
- ul'ardo numeros
- themutno prithoviben
- adresa vaš thanutno l'ikeriben (gav vaj foros, ul'ica, numeros)

O urados bičhavela e kidňipnaskeri legitimacija le vol'ičoske pro adresa vaš leskero thanutno l'ikeriben, jekhnasig trin buťakere d'ivesa odkanastar o urados chudňa mangavipen. O urados bičhavela e kidňipnaskeri legitimacija pre adresa, so hiňi irimen andro mangavipen la doporučeno poštaha „Andro peskere vasta“.

Kana o vol'ičis andro irimen mangavipen vaj elektronicko mangavipen irinela, hoj e kidňipnaskeri legitimacija lela aver manuš, mušinel andro mangavipen te irinel leskero nav, nav pal dadeste the numeros andal dženoskeri legitimacija. Ada manuš mušinel pes te podirinel peskere podpisoha, hoj preiľ'a e kidňipnaskeri legitimacija.

VI.

Poštakero kidňipen

Vol'ičis, so len hin thaneskero l'ikeriben andro Slovakijakeri republika the kana džal kidňipen, nane khore

Vol'ičis, so len hin thaneskero l'ikeriben andro Slovakijakeri republika the kana džal kidňipen, nane khore, šaj mangel o urados odoj kaj bešel vaš poštakero kidňipen, the avka

pisomnones (andre prajtoskeri forma) avka,

aj o mangavipen pal poštakero kidňipen sas bičhado pre uradoskeri adresa (obecno urados) jekhnasig 50 d'ives anglal kidňipnaskero d'ives (oda jekhnasig 10. 1. 2020)

Pro mangavipen so hino dothodo nasig, pes na dodikhel

elektronickones (emailoha) avka

aj o mangavipen pal poštakero kidňipen sas bičhado pre uradoskeri adresa (obecno urados) jekhnasig 50 d'ives anglal kidňipnaskero d'ives (oda jekhnasig 10. 1. 2020)

Pro mangavipen so hino dothodo nasig, pes na dodikhel

Mangavipen pal poštakero kidñipen mušinel te l'ikerel informaciji pal voľičoste

- o nav the nav pal o dad
- ul'ardo numeros
- themutno prithoviben
- adresa vaš thanutno l'ikeriben andro avrithem

Kana mangavipen l'ikerel andre peste savoro so majinel te jel, , o urados bičhavel jekhnasig 35 d'ivesa anglal kidñipnaskero d'ives le voľičoske, so mangl'a pal poštakero kidñipen, pre adresa so voľičis l'ikerel andro avrithem

- čuči kopertka le uradoskere cajchociha
- kidñipnaskere l'ilora
- visard'i kopertka (so hiňi cajchimen le hesloha „VOL'BA POŠTOU - ELECTION BY MAIL“, irind'i le uradoskero adresaha the le voľičoskeri adresaha sar tebi bičhado,
- sikhaviben sar pes kidel

Kana o voľičis kidela avri (vaš oleste sar pes kidel avri), thovel o voľičos kidñipnaskero l'iloro andre kopertka le cajchociha the zaľepinkerla la. Lepind'i kopertka thovela andre visard'i kopertka, so la bičhavela. Vaš visard'i kopertka počinel oda, ko la bičhavel.

Andro kidñipnaskero rezultatos pes ginen o hlasí so hine andro kidñipnaskere l'ilora, so sas bičhade the zaile andro urados, kaj o voľičis l'ikerel peskero than jekhnasig andro agorutno buťakero d'ives kana pes zachudel kidñipen. (oda jekhnasig 28. 2. 2020).

* * *

Aver informaciji ko kidñipen andre Narodno rada vaš Slovakijakeri republika hine irinde pro webovo than

www.minv.sk/?volby-nrsr